



REPUBLIKA E SHQIPËRISË

MINISTRIA E DREJTËSISË

MINISTRI

Nr. _____ Prot. _____ Tiranë, më ____/____/2018

URDHËR

Nr. 1638, Datë 5 / 7 / 2018

PËR

MIRATIMIN E RREGULLAVE TË DETAJUARA PËR PËRDORIMIN E SISTEMIT TË INTEGRUAR TË TË DHËNAVE TË DREJTËSISË PENALE PËR TË MITUR NGA DREJTORIA E PËRGJITHSHME E BURGJEVE DHE DREJTORIA E PËRGJITHSHME E SHËRBIMIT TË PROVËS

Në mbështetje të nenit 102, pika 4 e Kushtetutës, të nenit 137 pika 5 të ligjit nr. 37/2017, datë 30.03.2017 “Kodi i Drejtësisë Penale për të Mitur”, dhe të nenit 7, pika 2 të ligjit nr. 8678, datë 14.5.2001, “Për organizimin dhe funksionimin e Ministrisë së Drejtësisë”, i ndryshuar,

U R D H Ë R O J:

1. Sistemi i Integruar i të Dhënave të Drejtësisë Penale për të Mitur (më poshtë “Sistemi i Integruar”) plotësohet dhe përditësohet me të dhënat e përcaktuara në modulin përkatës nga:
 - a) punonjësit e seksioneve për të mitur në institucione të ekzekutimit të vendimeve penale ku i mituri i nënshtrohet masës së sigurimit “Arrest me burg”;
 - b) punonjësit e institucionit të ekzekutimit të vendimeve penale ku i miturit është duke vuajtur dënimin me burgim;
 - c) punonjësit e institucionit ku i mituri është duke vuajtur dënimin me kufizim lirie;
 - ç) punonjësit e zyrave vendore të shërbimit të provës që mbikëqyrin:
 - i) zbatimin e masës alternative të shmangies nga dënimi;
 - ii) zbatimin e masës alternative të dënimit me burgim;
 - iii) zbatimin e dënimeve plotësuese kur ato jepen së bashku me dënimin kryesor me “gjobë”.
2. Sistemi i Integruar u vihet në dispozicion punonjësve të përcaktuar në pikën 1 të këtij urdhri në formatin web-based në faqen www.drejtisipertemitur.al pas dhënies së autorizimit me shkrim nga Drejtori i Përgjithshëm i Burgjeve dhe Drejtori i Përgjithshëm i Shërbimit të Provës, pas miratimit paraprak nga Ministria e Drejtësisë.

4. Punonjësi i Integruar pasurohet nga punonjësi i autorizuar me të dhëna elektronike të përditësuara dhe i çështjet penale ku përfshihet i mituri:

a) në cilësinë e personit të akuzuar për kryerjen e veprës/ave penale ndaj të cilit është caktuar masa e sigurimit "Arrest me burg";

b) në cilësinë e të dënuarit për kryerjen e veprave penale duke pasqyruar fazën e ekzekutimit të vendimit të dënimit, duke përfshirë të dy llojet e dënimeve, me burgim dhe jo me burgim, si dhe dënimet kryesore dhe plotësuese, në kuptim të neneve 95 dhe 96 të Kodit të Drejtësisë Penale për të Mitur.

5. Punonjësi i autorizuar plotëson dhe përditëson elektronikisht rubrikat e modulit përkatës brenda 24 (njëzet e katër) orëve nga koha e regjistrimit të çështjes dhe/apo urdhrit për ekzekutim, apo kryerjes së një veprimi procedural ndaj të miturit.

6. Kur periudha e dënimit ndaj të miturit përfundon, punonjësi i autorizuar reflekton dhe përditëson këtë të dhënë në Sistemin e Integruar.

7. Punonjësi i autorizuar është përgjegjës për saktësinë dhe përditësimin e të dhënave të hedhura prej tij.

8. Çdo punonjës i autorizuar ka hapësirën e tij të mbyllur në sistemin e ruajtjes së informacionit. Aksesimi në këtë hapësirë është i ndaluar për përdorues të tjerë të të njëjtit nivel pa autorizimin e titullarit autorizues.

9. Punonjësi i autorizuar nuk mund të ndërhyjë dhe të ndryshojë rubrikat e moduleve të Sistemit të Integruar. Ministrinë e Drejtësisë të dhënat e punonjësit të autorizuar për pagesën e tyre me emrin dhe fjalëkalimin fillestar për aksesimin e Sistemit të Integruar jo me vlerë të hapësirë të tij.

10. Punonjësi i autorizuar ka të drejtën e aksesit në Sistemin e Integruar vetëm për çështjen/et të autorizuar në ngarkim të tij dhe/ose që ndodhen në juridiksionin e institucionit të tij. Punonjësi i autorizuar në asnjë rast nuk ka të drejtë të ndajë të dhënat e Sistemit të Integruar të autorizuar në ngarkim të tij, pa autorizimin e titullarit autorizues.

11. Aksesimi në Sistemin e Integruar sigurohet me emrin e punonjësit të autorizuar dhe fjalëkalimin përkatës, në përputhje me kredencialet personale të secilit punonjës. Emri dhe fjalëkalimi fillestar jepen në mënyrë konfidenciale në rrugë zyrtare nga Ministria e Drejtësisë, pas vënies në dispozicion nga Drejtoria e Përgjithshme e Burgjeve dhe Drejtoria e Përgjithshme e Shërbimit të Provës të të dhënave të punonjësit të autorizuar.

12. Sistemi ofron për çdo punonjës të autorizuar mundësinë e ndryshimit në çdo moment të fjalëkalimit dhe garanton ruajtjen e fshehtësisë së tij. Ruajtja dhe përdorimi i fjalëkalimit është nën përgjegjësinë vetjake të punonjësit të autorizuar.

13. Mekanizma të mbrojtjes së të dhënave nga aksesimi i paautorizuar, të tilla si: fjalëkalimet, mekanizmi i fjalëkalimit, gjatësia e fjalëkalimit, periodiciteti i ndryshimit të fjalëkalimit, kufizimi i përsëritjes së fjalëkalimeve, përcaktohen nga struktura përgjegjëse të teknologjisë së informacionit pranë Ministrisë së Drejtësisë në manualin e përdorimit të Sistemit të Integruar.

strukturën përgjegjëse për teknologjinë e informacionit pranë Ministrisë së Drejtësisë për çdo problem të hasur gjatë përdorimit të Sistemit të Integruar, duke kërkuar ekspertizë teknike për zgjidhjen e problemit.

14. Punonjësi i autorizuar hedh në Sistemin e Integruar të dhënat e të miturve të çështjeve të trajtuara nga data 1 janar 2018, sipas manualit të përdorimit të sistemit.

15. Drejtori i Përgjithshëm i Burgjeve dhe Drejtori i Përgjithshëm i Shërbimit të Provës kanë akses të plotë në të gjitha çështjet që janë në fazë ekzekutimi me qëllim mbikëqyrjen dhe monitorimin e përdorimit të Sistemit të Integruar nga punonjësit e autorizuar.

16. Drejtoria e Përgjithshme e Burgjeve dhe Drejtoria e Përgjithshme e Shërbimit të Provës sigurojnë pjesëmarrjen e punonjësve të autorizuar në trajnimet e organizuara nga Ministria e Drejtësisë për përdorimin e Sistemit të Integruar.

17. Ngarkohet struktura përgjegjëse për çështjet e drejtësisë penale për të miturit që në bashkëpunim me strukturën përgjegjëse të teknologjisë së informacionit pranë Ministrisë së Drejtësisë të hartojnë dhe të vënë në dispozicion të punonjësve të autorizuar manualin e përdorimit të Sistemit të Integruar, jo më vonë se 30 (tridhjetë) ditë nga fillimi i funksionimit të sistemit.


18. Ngarkohet Drejtoria e Përgjithshme e Burgjeve dhe Drejtoria e Përgjithshme e Shërbimit të Provës që të vënë në dispozicion të strukturës përgjegjëse për çështjet e drejtësisë penale për të miturit në Ministrinë e Drejtësisë të dhënat e punonjësve të autorizuar për pajisjen e tyre me emrin dhe fjalëkalimin fillestar për aksesimin e Sistemit të Integruar jo më vonë se 5 (pesë) ditë nga fillimi i funksionimit të sistemit.

19. Ngarkohet Drejtoria e Përgjithshme e Burgjeve dhe Drejtoria e Përgjithshme e Shërbimit të Provës për zbatimin e këtij urdhri.

20. Ngarkohet struktura përgjegjëse për çështjet e drejtësisë penale për të miturit pranë Ministrisë së Drejtësisë për njoftimin e këtij urdhri Drejtorisë së Përgjithshme të Burgjeve dhe Drejtorisë së Përgjithshme të Shërbimit të Provës.

Ky urdhër hyn në fuqi menjëherë dhe i shtrin efektet e tij pas vënies në funksionim të Sistemit të Integruar të të Dhënave të Drejtësisë Penale për të Mitur.

MINISTRI


Etilda Gjonaj (Saliu)